



ПОСТДА

Қонунчилик ва ҳуқуқ-тартибот учун!

ГАЗЕТА 1930 ЙИЛ
12 МАЙДАН ЧИКА БОШЛАГАН

Ўзбекистон Республикаси ИИБ нашри • 2003 йил 16 октябрь, пайшанба • 42 (3518)-сон

Ўзбекистон Республикаси Вазирлар Маҳкамасининг Қ А Р О Р И

2003 йил ҳосили пахта хом ашёсини сақлашни таъминлашга доир қўшимча чора-тадбирлар тўғрисида

Кўрилаётган чора-тадбирларга қарамай, фермерлар, пудратчилар ва теримчилар томонидан терилган пахта хом ашёсини қабул пунктларига ўз вақтида топширмаслик, пахтанинг мослаштирилмаган жойларда сақланиши, пахта майдонларининг пайҳон қилиниши натижасида кўплаб ҳосилнинг йўқолишига йўл қўйилмоқда.

Пахта хом ашёсини ўғирлаш ва талон-тарож қилиш ҳолатларининг тез-тез учраётганлиги, уни республика ташқарисига ноқонуний олиб чиқиб кетишга уринишлар жиддий зарар келтирмоқда. Йиғиб олинган пахта хом ашёси ҳосилнинг, кейинчалик уни республика ташқарисига олиб чиқиб

кетиш ва сотиш мақсадида хусусий уйларда ва ҳовлиларда яшириш ҳолатлари ушбу қонун бузилишларини келтириб чиқараётган сабаблардан биридир.

Фақат биргина ҳолатда Сирдарё туманида яшовчи фуқаролардан бирининг хусусий уйдан 2,2 тонна пахта хом ашёси топилган. Ана шундай ҳолатлар Жиззах вилоятининг Мирзачўл туманида, Наманган вилоятининг Учқўрғон туманида ва республиканинг бошқа минтақаларида ҳам аниқланган.

Вужудга келган аҳвол айрим хўжалик раҳбарлари томонидан назоратнинг бўшаштириб юборилганлиги, уларнинг ҳосилни сақлаш муаммоларидан ўзини

четга олаётганлиги, вилоятлар ва туманлар ҳокимлари томонидан уларга нисбатан талабчанликнинг пастлиги оқибатидир.

Пахта хом ашёсини йиғиб-териб олиш, ташиш ва сақлаш вақтида унинг сақланишини таъминлаш, пахтачилик хўжаликлари раҳбарларининг масъулиятини кучайтириш мақсадида Вазирлар Маҳкамаси қарор қилади:

1. Куйидагиларга:
Жиззах (У.Яманқулов), Наманган (Т.Жабборов), Сирдарё (Р.Ҳайдаров), Тошкент (У.Мирзақулов) ва Фарғона (А.Отабоев) вилоятлари ҳокимларига, қўшни давлатларга чегарадош туманлар ҳокимларига

пахта хом ашёсининг ўғирланиши, талон-тарож қилиниши ва республика ташқарисига ноқонуний олиб чиқиб кетилишининг олдини олиш бўйича кўрилаётган чора-тадбирларнинг етарли эмаслиги;

Қорақалпоғистон Республикаси Вазирлар Кенгаши Раисига, вилоятлар ва туманлар ҳокимларига, қишлоқ хўжалиги корхоналари раҳбарларига пахта хом ашёси ва бошқа қишлоқ хўжалиги экинларининг пайҳон қилиниши устидан зарур назоратнинг мавжуд эмаслиги кўрсатиб ўтилсин.

Қорақалпоғистон Республикаси Вазирлар Кенгаши Раиси, вилоятлар ва туманлар

ҳокимлари уларнинг пахта хом ашёсининг ўғирланиши, талон-тарож қилиниши ва республика ташқарисига ноқонуний олиб чиқиб кетилиши ҳолатларининг ўз вақтида олдини олиш бўйича ишларнинг аҳволи учун шахсан жавоб бериши тўғрисида огоҳлантирилсинлар.

2. Терилган пахта хом ашёсининг қабул пунктларига ҳар куни топширилиши шарт бўлган тартиб белгилансин.


Пахтачилик хўжаликлари ва қабул пунктлари раҳбарлари пахта хом ашёсининг тўсиқсиз ва узлуксиз топширилиши ва унинг зарур даражада сақланиши учун шарт-шароитларни таъминласинлар.

(Давоми 2-бетда).

ИШОНЧЛИ МУҲОФАЗА КАФОЛАТЛАНАДИ




Корхона, ташкилот, муассаса, савдо шохобчалари бинолари, турар жойларни қўриқлашда ички ишлар идоралари қўриқлаш хизматининг тутган ўрни беқийсдир. Айниқса, марказий қўриқлаш пультага уланган объектларда ўғрилик деярли содир этилмаяпти. Ўзларига топширилган ишхотларни ишончли муҳофаза қилиш борасида пойтахтнинг Мирзо Улуғбек тумани ИИБ ҳузуридаги қўриқлаш бўлими томонидан амалга оширилаётган ишлар диққатга сазовор.



Суратларда: 1-МҚП оператори Л. Курбонова навбатдаги хабарни қабул қилляпти; бўлим инспекторлари, милиция кичик лейтенанти М. Мирхўжаев ва милиция сержанти А. Эрпазаровлар объектдаги ҳолат бўйича марказга ахборот беришляпти.

А. КЕНЖАЕВ олган суратлар.



АЗИЗ! МУШТАРИЙЛАР!

Ўзбекистон Республикаси Ички ишлар вазирлиги Бирлашган таҳририятининг «Постда» ва «На посту» газеталари ҳамда «Қалқон» ва «Щит» журналларига 2004 йилнинг биринчи ярми учун обуна бошланди.

Жиноят қидирув хизмати воқеалари, терговчи хотиралари, суд очеркларига қизиқсангиз, нашрларимизга обуна бўлинг. Газета ва журналларда мамлакатимиз ва дунё спорт янгилеклари, теледастурлар, мунажжимлар башорати ва бошқа хабарлар мунтазам бериб борилади. Кроссворд, сканвордлар, «Саломатлик», «Ниҳол», «Сулола», «Ибрат» каби саҳифалар сизни бефарқ қолдирмайди, деб ўйлаймиз.

Ички ишлар тизимида амалга оширилаётган янгилеклар, дунёда содир бўлаётган оламшумул воқеалардан вақтида бохабар бўлишни истасангиз, газета ва журналларимизга обуна бўлишга шошилинг.

ИНДЕКСЛАРИМИЗ:

«Постда» - 180 (366) «На посту» - 169 (367)
«Қалқон» - 970 - (1083) «Щит» - 971 - (1084)

УШИНЧИ «Постда» gazetasi ning ilovasi
TANIQLI KISHILAR BILAN UCHRASHUV, HAJVIYA, XANDALAR, KROSSVORD, SKANVORD, MUNAJJIMLAR BASHORATI, HAYRATOMUZ VOQEALAR, SPORT YANGILIKLARI, INTERNET XABARLARI + TV O'ZLAM

Ўзбекистон Республикаси Вазирлар Маҳкамасининг
ҚАРОИ

2003 йил ҳосили пахта хом ашёсини сақлашни таъминлашга доир қўшимча чора-тадбирлар тўғрисида

(Давоми. Боши 1-бетда).

Терилган пахта хом ашёсининг ушбу мақсадлар учун мўлжалланмаган ва ёнгин хавфсизлиги қоидаларига жавоб бермайдиган жойларда, шу жумладан хонадонларда ва томорқа участкаларида сақланиши тақиқлансин.

Терилган хом ашёнинг қабул пунктларига ўз вақтида топширилмаганлиги, пахта ушбу мақсадлар учун мўлжалланмаган ва ёнгин хавфсизлиги қоидаларига жавоб бермайдиган, шу жумладан хонадонларда ва томорқа участкаларида сақланганлиги учун фуқароларга энг кам ойлик иш ҳақининг беш баравари миқдоридан, мансабдор шахсларга эса - етти баравари миқ-

доридан жарима солинади. Қонун бузилиши такрорланган тақдирда фуқароларга энг кам ойлик иш ҳақининг етти баравари, мансабдор шахсларга эса - ўн баравари миқдоридан жарима солинади. Жарима солиш мазкур ҳолатлар содир этилган жойдаги ички ишлар органлари томонидан маъмурий жазолаш тартибидан амалга оширилади.

Пахта хом ашёсини ўғирлаш ва талон-тарож қилиш, уни республика ташқарисига олиб чиқиб кетиш ҳоллари аниқланган тақдирда айбдор шахслар қонун ҳужжатларида назарда тутилган тартибда, шу жумладан жиноий жавобгарликка тортиладилар.

3. Ўзбекистон Республикаси

Ички ишлар вазирлиги (З.Алматов) терилган пахтанинг сақланишини таъминлаш юзасидан қўшимча чора-тадбирлар кўрсин, профилактика ишларини фаоллаштирсин ва қонунни бузувчиларга нисбатан амалдаги қонун ҳужжатларига қатъий мувофиқ равишда қаттиқ чоралар кўрсин.

4. Ўзбекистон Республикаси Бош прокуратураси (Р.Қодиров) пахта хом ашёсининг сақланишини таъминлашга қаратилган қонун ҳужжатлари ижроси устидан назоратни кучайтирсин.

5. Қорақалпоғистон Республикаси Вазирлар Кенгаши, вилоятлар ҳокимликлари ҳуқуқни муҳофаза қилиш органлари би-

лан биргаликда, фуқароларнинг ўзини ўзи бошқариш органларини, жамоат тузилмаларини ва оммавий ахборот воситаларини жалб этган ҳолда, пахтанинг талон-тарож қилинишига қарши кураш бўйича, шу жумладан ушбу соҳадаги ҳуқуқни қўллаш амалиётини ёритиш йўли билан олдини олиш ва профилактика ишларини фаол амалга оширсин.

“Ўзтелерадио” компанияси (А.Кўчимов) Ўзбекистон миллий ахборот агентлиги (М.Ҳазраткулов), оммавий ахборот воситалари ушбу йўналишда олиб

борилаётган ишларнинг мунтазам ёритилишини таъминласинлар.

6. Ўзбекистон Республикаси Адлия вазирлиги (А.Полвонзода) манфаатдор вазирликлар ва идоралар билан биргаликда амалдаги қонун ҳужжатларига мазкур қарордан келиб чиқувчи ўзгартириш ва қўшимчалар тўғрисида таклифлар киритсин.

7. Мазкур қарорнинг бажарилишини назорат қилиш Ўзбекистон Республикаси Президентининг Давлат маслаҳатчилари И.Жўрабеков ва Т.Худайбергенов зиммасига юклансин.

Вазирлар Маҳкамасининг Раиси

И. КАРИМОВ

Тошкент шаҳри,
2003 йил 13 октябрь.

Миннатдорчилик

МАМНУНИЯТ ИЗҲОР ҚИЛИШДИ

Республика Ички ишлар вазири, ички хизмат генерал-полковниги З. Алматов номига “Friendship Force International” халқаро ташкилотининг Тошкентдаги бўлими раиси Р. Алимовдан миннатдорчилик мактуби келди.

Унда мазкур ташкилотнинг бир гуруҳ вакиллари шу йил сентябрь ойида Ўзбекистон билан танишиш мақсадида Самарқанд, Янгийўл шаҳарларида, Чимён тоғлари ва республикамизнинг бошқа диққатга сазовор жойларда бўлганликлари айтилган.

Америкалик меҳмонлар уларни сафарлари чоғида кузатиб юрган йўл-патруль хизмати ходимларининг кўрсатган кўмағидан мамнун эканликларини изҳор қилишган. Хатда ўзаро ҳамкорлик бундан кейин ҳам ривож топиши ва мустаҳкамланишига ишонч билдирилади.

Халқаро алоқалар

НАЗАРИЙ-АМАЛИЙ СЕМИНАР

Инсон ҳуқуқлари ва гуманитар ҳуқуқни ўрганиш маркази БМТнинг Қочоқлар масаласи бўйича Олий комиссари бошқармасининг Ўзбекистондаги ваколатхонаси кўмағи ва иштирокида республика оммавий ахборот воситалари ходимлари учун семинар-тренинг ташкил қилди. Унда республика ИИБ Бирлашган тахририяти вакиллари ҳам қатнашишди.

Семинарнинг биринчи куни “Инсон ҳуқуқларига кириш” мавзусига бағишланди. Машгулотларни инсон ҳуқуқлари бўйича мутахассислар М. Иноқова ва Ж. Норбоев олиб боришди. Иккинчи куни БМТнинг Қочоқлар масаласи бўйича бошқармасининг Ўзбекистондаги миссияси бошлиғи жаноб Абдул Карим Гуль нутқ сўзлади. У ўзи вакил бўлган ташкилотнинг серкирра фаолияти ҳақида гапириб берди.

Машгулотлар мунозараларга бой ўтиб, назарий билимлар амалий жиҳатдан мустаҳкамланди. Мавзулар бўйича видеофильмлар ҳам намойиш этилди. Семинар сўнггида қатнашчиларга белгиланган намунадаги сертификатлар топширилди.

Ўз мухбиримиз.

«Пахта — 2003»

ХИРМОНГА БАРАКА

Бу йилги об-ҳаво инжикликларига қарамай мўл ҳосил етиштирилди. Шу кундаги долзарб вазифа ана шу етиштирилган ҳосилни нест-нобуд қилмай йиғиштириб олишдан иборат. Шу борада Тошкент вилояти ИИБ ходимлари дехқонлар, фермер-хўжаликларнинг ишчи-хизматчилари, аҳоли ўртасида кенг кўламда тушунтириш ишлари олиб боришмоқда.

Бироқ амалга ошириладиган тарғибот-ташвиқотларга қарамай пахта майдонларининг пайҳон этилиши ва ҳосил талон-тарожлигига йўл қўйилиши кузатилаёпти.

Масалан, ҳозиргача экин далаларини пайҳон этилиши бўйича 17 та ҳолат аниқланди. Етказилган зарар 160 минг сўмдан зиёдрокни ташкил этади. Бундан ташқари, пахтани

қўшни республикаларга ғайриқонуний равишда олиб чиқиш ҳам қайд этилмоқда. Янгийўл туманилик З. Ҳусниддин шахсий автомашинасида 1600 кг пахтани Қозоғистон Республикасига сотиш учун олиб кетаётганда ушланган. Я. Миродил ҳам 800 кг пахтани қўшни республикага олиб чиқмоқчи бўлганда тўхтатилган. Бу каби хатти-

ҳаракатларнинг пайини қирқинишда ички ишлар идоралари, божхона, прокуратура ходимлари ва чегарачиларнинг ҳамкорлиги яхши самара бермоқда.

Шунингдек, теримчи ва ҳашарчиларни пахтазорларга бешикаст етказиш, уларнинг хавфсизлигини таъминлаш ишлари ЙХБ ходимларининг диққат марказида. Аммо ҳайдовчилар огоҳлантирилишига қарамай тақиқланган машиналарда одам ташиш ҳолатлари ҳамон учраёпти. Юк автомабиллари, тиркамаларда теримчиларни ташиган 43 ҳайдовчига нисбатан маъмурий чора кўрилди.

Ёнгин хавфсизлиги ходимлари ҳам мавсумни уюшқоқлик билан ўтказишга ўз хис-

саларини қўшишяпти. Хирмонлар, қабул пунктларининг ёнгинга қарши ҳолати текширилганда қатор камчиликлар мавжудлиги аниқланди. Ўт ўчириш жиҳозларининг носозлиги, сув манбаларининг етишмаслигига йўл қўйган 50 нафар мансабдор шахс маъмурий жавобгарликка тортилди. Уларга 205 минг сўмдан ортиқ жарима солинди.

Вилоят ИИБда тузилган “Пахта-2003” тезкор штабига кундалик маълумотлар келиб турибди. Штаб ходимлари олинган ҳар бир ахборотни синчиклаб ўрганиб, камчиликларни бартараф этиш чора-тадбирларини белгилаш билан бирга уларнинг ижроси устидан назорат ўрнатилган.

Ш. АНВАРОВ.

МАСЪУЛИЯТНИ УНУТГАН ҲАЙДОВЧИЛАР

Ҳазорасп тумани бўйича жорий йилда давлатга 22 минг 818 тонна пахта териб топширилиши мўлжалланмоқда. Пахтакору ҳашарчиларнинг тинимсиз меҳнатлари туфайли йиғиштирилган ҳосил давлат омборларига жўнатилмоқда.

Терим мавсуми бошланиши олдидан вилоят ИИБ ЙХБ алоҳида ЙПХ отряди 4-сафарбарлик гуруҳи ходим-

ларидан иборат махсус гуруҳ ташкил этилди. Улар ҳар куни трактор ҳайдовчилари билан суҳбатлашиб, йўлларда ҳаракатланиш қоидаларига амал қилиш тўғрисида огоҳлантирилмоқда. Шунга қарамай тумандаги айрим ширкат хўжалиги раҳбарлари ўз хизмат вазифаларига совуққонлик билан ёндашишаётганлиги туфайли ҳамон йўл ҳаракати

қоидаларининг кўпол равишда бузилиши ҳоллари учраб турибди. Масалан, М. Жўрабек ўзига биркитилган “Дўстлик” ширкат хўжалигига қарашли “МАЗ-80” русумли тракторни маст ҳолда бошқариб бораётгани аниқланди. “Дўстлик” ширкат хўжалиги трактор ҳайдовчилари Қ. Раҳмонберган ҳамда М. Умидлар тракторларида одам ташиш қоидасини кўпол равишда бузиб келаётганда тўхтатилди. Туман пахта тозалаш очик турдаги ҳиссадорлик жамиятига қарашли “ЗИЛ-130” русумли автомашина ҳайдовчиси М. Собир, “Ўзбекис-тон” ширкат хўжалигига қарашли “ЗИЛ-130” русумли автомашина ҳайдовчиси С. Шавкат, “Ҳазорасп” ширкат хўжалигига қарашли “ЗИЛ-157” русумли автомашина ҳайдовчиси М. Баҳодир, А. Ёқубов номли


ширкат хўжалигига қарашли “ГАЗ-53” русумли автомашина ҳайдовчиси Ш. Исломбой, “Эркин” ширкат хўжалигига қарашли “Т-28 Х4” русумли трактор ҳайдовчиси Р. Шавкатлар одам ташиш қоидасини бузиб, транспорт бошқараётганликлари кишини жиддий ташвишлантиради.

Йиғим-терим мавсуми қизгин тус олди. Келинг, мана шундай долзарб кунларда пахта ҳосилини исрофгарчиликсиз йиғиштириб олиш, мавсум давомида йўл-транспорт ҳодисаларининг олдини олишга етарлича эътибор берайлик.

Б. ҚУРБОНОВ,
милиция майори.

Суратда: вилоят ИИБ ЙХБ 4-сафарбарлик гуруҳи ЙПХ инспектори, милиция катта сержанти Ш. Зайниддинов трактордаги жиддий камчиликларни ҳайдовчига кўрсатмоқда.

Ж. ҚОЗОҚ
олган сурат.



РТР, 20 октябрь, душанба
22.45. Бадий фильм "ОЛТИН КЎЗДАГИ НУР АКСИ", АҚШ

Ф и л ь м қахрамонлари Жоржиа худудидаги ҳарбий шаҳарчада яшади. Дастанларнинг эс-хушлари мутлақо жойида бўлиб кўринади. Лекин яхшилаб кузатсангиз, галати феъл-атворига қарамасдан, ҳаммаси ҳам бошқаларга ўхшаб муҳаббатга зор одамлар эканлигини тушунасиз.

Режиссёр – Х. Жон. Ролларда: Марлон Брандо, Элизабет Тейлор, Браян Кит, Жули Харрис, Роберт Фостер.



RenTV, 21 октябрь, сешанба
23.10. Мелодрама "КАТТА УМИДЛАР", АҚШ

Ёш Финн биринчи бор гўзал Эстеллани кўрганидаёқ эс-хушини йўқотиб қўяди. Қизга бўлган эҳтиросли муҳаббат унга ҳеч қандай яхшилик олиб келмаслиги ҳақидаги башоратга қарамасдан, Финн унинг юрагини забт этишга қасам ичади. Йиллар ўтиб, сирли валийнёматнинг ҳаракатлари билан ёш расом Финн Нью-Йоркка бориб, у ерда яна жавобсиз севгиниси учратади.

Режиссёр – А. Куарон. Ролларда: Итэн Хоук, Гвинет Пэлтроу, Энн Бэнкрофт, Роберт Де Ниро, Хэнк Азариа, Крис Купер.



РТР, 22 октябрь, чоршанба
21.20. Мелодрама "ЭРКИН РАКС", Россия

Кинорежиссёрга турмушга чиқиб, ҳеч нарсага муҳтожлик сезмасдан, нозик оймқиз бўлиш унчалик қийин эмас. Эрининг хиёнатини бошдан кечириб, фарзандини йўқотиб, қўпол эркактар ва маккора аёллар орасида тунги клубда қийинчилик билан пул топиб, уй-жойсиз яшаш бундан-да қийинроқ. Бироқ ушбу синавлардан ўтган қахрамонимизга тақдир ҳаёлига ҳам келмаган бахт – севги ҳаёда этади.

Режиссёр – Р. Кубаев. Ролларда: Ольга Цирсен, Николай Добринин, Александр Домогаров ва Игорь Ливанов.

НТВ, 23 октябрь, пайшанба
18.35. Фильм "ТЕАТРДАГИ АРВОХ", Россия

Воқеа Москва яқинидаги кичик театрда рўй беради. У ерда режиссёр Мувчун ва актёр Шабашов спектакль сахналаштиришга эди. Театр директори премьерарафасида Москвага кетиш учун руҳсат сўрайди. Тунда эса "Норд-Ост" театрига террорчилар ҳужум қилишади. Қахрамонлар севикиллари гаровга олинганлар орасида эканлигини англашади. Бу фожиали дақиқалар уларга ўз ҳаётлари ва тақдирларида бошқача назар ташлаш имкониятини беради...

Режиссёр – К. Худяков. Ролларда: Сергей Маковецкий, Игорь Кваша, Оксана Фандера, Татьяна Лютеева, Семен Морозов, Сергей Чонишвили.



ЧОРШАНБА, 22

ЎзТВ - I

6.00 "Ассалом, Ўзбекистон!"
8.00-8.35 "Ахборот".
8.35, 17.55 ТВ маркет.

12.25 "Умр дафтари" туркумидан: "Ҳамид Сулаймон". Видеофильм 2-қисм.

14.10 "Бир умр ҳамроҳим". Спорт дастури.

ЎзТВ - III

17.10 Курсатувлар тартиби.

ЎзТВ - II

6.55 Курсатувлар дастури.

ЎзТВ - IV

БИРИНЧИ КАНАЛ. 6.00 - 7.00.

16.35 Вести.
16.45 "Саёҳатдан сўнг". Болалар учун курсатуви.

БИРИНЧИ КАНАЛ. 17.20 Б. Громов "Муҳаббат тарихи" курсатувиди.

РТР

2.00 "Доброе утро, Россия!"

30-й канал

9.00 Дастаннинг очилиши. 9.05, 17.30, 20.45 "Телехамкор", фойдали газета.

ОРТ

5.00 Телеканал "Доброе утро".

НТВ

5.00 УТРО на НТВ.

ПАЙШАНБА, 23

ЎзТВ - I

6.00 "Ассалом, Ўзбекистон!"
8.00-8.35 "Ахборот".

13.30 "Умр дафтари" туркумидан: "Ҳамид Сулаймон". Видеофильм 3-қисм.

ЎзТВ - II

6.55 Курсатувлар дастури.

10.50 Ёшлар овози.

21.30 Мезон.

ЎзТВ - III

17.10 Курсатувлар тартиби.

ЎзТВ - IV

БИРИНЧИ КАНАЛ. 6.00 - 7.00.

ТВ 3

7.30 "Победоносный голос верующего".

БИРИНЧИ КАНАЛ. 17.20 Е. Петросянин Кулгу панорамаси.

REN TV

7.25, 10.30, 15.30, 22.30 "24". Информационная программа.

ТВЦ

6.45 Канал "Настроение".

ЕВРОСПОРТ

9.30 Экстремальный спорт.

СПОРТ+ФУТБОЛ



14 октябрь куни Тожикистон пойтахти Душанбе шаҳрида минтақамизнинг энг йирик мусобақаларидан бири – V Марказий Осиё ўйинлари бошланди.

«КИЧИК ОЛИМПИАДА» ДАН УМИД КАТТА!

Марказий Осиё ўйинлари илк бор Президент Ислон Каримов ташаббуси билан Халқаро Олимпия Кўмитаси (ХОК) кўмағида Ўзбекистон, Қозоғистон, Туркменистон, Қирғизистон ва Тожикистон спортчилари иштирокида 1995 йилда гўзал пойтахтимизда ташкил этилган. Мухлису мутахассислар томонидан «кичик Олимпиада» деб таъриф берилган дастлабки мусобақада спортчиларимиз улкан муваффақиятга эришишган. Ушанда ҳамюртларимиз 65 та олтин, 66 та кумуш ва 49 бронза, жами 180 та медаль жамғариб, умумжамоа ҳисобида биринчи ўринни эгаллагандилар.

Хўш, V Марказий Осиё ўйинларида спортчиларимиздан қандай натижалар кутиляпти?

Аввало, Ўзбекистон терма жамоаси бокс, эркин кураш, юнон-рум кураши, дзюдо, таэквондо, теннис, ўқ отиш, енгил атлетика спорт турлари бўйича беллашувларда иштирок этишини айтиб ўтиш зарур. Шунингдек, халқаро спорт турига айлиниб улгурган халқимизнинг миллий қадрияти – кураш беллашувлари мусобақа дастуридан ташқари ўтказилади.

Мутахассисларнинг таъкидлашича, медаллар учун рақобат, асосан, Ўзбекистон ва Қозоғистон спортчилари ўртасида кечади. Шу ўринда, ҳамюртларимиз ўйинларга жиддий тайёргарлик кўриб, ўқув-машғулот йиғинларида анчагина тер тўканини айтиш жоиз.

Хуллас, V Марказий Осиё ўйинларида юртдошларимиздан умид катта. Чунки «кичик Олимпиада» олимпиадачиларимизнинг руҳий, жисмоний аҳволини билиб олиш, аксарият спортчилар учун спорт оламидаги энг йирик анжуман – Олимпиада ўйинлари йўлланмасини берадиган мусобақаларга жиддий тайёргарлик кўришга хизмат қилади.

Республикамизда болалар спортини ривожлантириш борасида ўтган йили Хукуматимизнинг махсус қарори қабул қилинган эди. Унда Ўзбекистон «Камолот» ёшлар ижтимоий


ҳаракати олдиға ҳам қатор вазифалар қўйилди. Мазкур ташкилот ёшларни жисмонан соғлом ва баркамол қилиб тарбиялаш йўлида қатор хайрли ишларни амалга ошириб ке-

ляпти. Жумладан, яқинда унинг Тошкент шаҳар Кенгаши Ўзбекистон Давлат Жисмоний тарбия институти билан ҳамкорликда 1-11-синфлар ўқувчиларига мўлжалланган гимнасти-

ка машқлари акс этган плакатларни тайёрлади. Муҳим жиҳати, машқлар мажмуини синф шароитида эрталабки бадантарбия ўрнида 5-7 дақиқа ичида бажариш мумкин.

Плакатлар 12 минг нусхада тайёрланган. Улар яқин кунлар ичида пойтахтнинг барча мактабларига бепул тарқатилади.

Ўз мухбиримиз.



– Ботиржон, ҳаётингиздаги энг қувончли дақиқалар ҳақида гапириб берсангиз.

– Бундай шодиёналар кўп бўлган. 1995 йили Қирғизистонда самбо бўйича ёшлар ўртасида ўтказилган Осиё чемпионатида ўз вазн тоифам бўйича голиб бўлганман. Орадан бир йил ўтгач, самбо бўйича Японияда ўтказилган жаҳон чемпионатида шоҳсупанинг учинчи поғонасига кўтарилдим. Миллий курашимиз бўйича 2000 йилги жаҳон чемпионатида бронза медаль соҳиби бўлдим.

– Бухоро шаҳрининг 2500 йиллик тўйи шарафига уюштирилган

ЧЕМПИОН БИЛАН УЧРАШУВ

Сухбатдошимиз спортнинг кураш ва самбо турлари бўйича қатор халқаро мусобақаларда голиблик ҳамда фахрли ўринларни қўлга киритган спортчи Ботир Хўжаев. У ҳозирда «Динамо» ФСЖ Бухоро вилояти бўлимида йўриқчи-инспектор бўлиб ишлаяпти.

мусобақада ҳам қатнашган экансиз...

– Ҳа, ўшанда мутлақ вазнда голибликни қўлга киритиб, республикамиз Президентининг соврини ҳамда вилоят ҳокимлиги томонидан «Нексия» машинаси билан тақдирланган эдим.

– Ҳуқуқ-тартибот ходимлари ўртасида ўтказиладиган спорт турнирларида иштирок этиб турсизми?

– Албатта. 2000 йили Югославияда милиция ва полиция ходимлари ўртасида кураш бўйича бўлиб ўтган халқаро мусобақада голиб бўлдим. Бундан ниҳоятда фахрланаман.

– Сўнгги йирик ютуғингиз?

– 2002 йил август ойида самбо бўйича Осиё чемпиони бўлдим.

– Оилангиз ҳақида ҳам икки оғиз гапирсангиз.

– Уйланганман. Умр йўлдошим Лutfияхон билан аҳил-иноқ яшаяпмиз. Бир фарзандимиз бор.

– Бўш вақтингизни қандай ўтказасиз?

– Кўпроқ дўстлар даврасида бўлишни яхши кўраман. Шунингдек, кундалик наشرларни ҳам севиб ўқийман.

Сухбатдош А. ФИЁСОВ.

«ТОШКЕНТ ОПЕН» ЯКУНЛАНДИ

6-12 октябрь кунлари пойтахтимиздаги Тошкент теннис марказида «Тошкент опен» халқаро аънанавий аёллар теннис турнири ўтказилди.

Мусобақанинг жувфтлик баҳслари финалида Т.Пучек (Беларусь) украиналик Ю.Бейгелзиммер билан биргаликда Хитой вакиллари - Тинг Ли ва Тиан Тиан Сун жувфтлигини 6:3, 7:6 ҳисобда доғда қолдирди.

Яққалик баҳслари финалида энг кучли ракетка усталари рўйхатидан жой олган Виржиния Руано Паскуаль (Испания) ҳамда Саори Обата кортга чиқишди. Қизгин ва муросасиз курашларга бой бўлган ушбу учрашувда В.Паскуаль 6:2, 7:6 ҳисобда зафар кучиб, мусобақа голибасига айланди.

– «Тошкент опен» сингари нуфузли турнирларда голиб чиқиш жуда мушкул, – деди В.Паскуаль. – Лекин турнир финалида ғалаба қозониш учун бор маҳорат ва тажрибамни ишга солдим. Ўзбекистонда ҳар қандай спорт тадбирлари юқори савияда ташкил этилишини биламан. Чунки бир неча йилдан буён «Тошкент опен» турнирини зўр иштиёқ билан кузатиб бораман.

Финал учрашуви якунлагандан сўнг турнир голибаларига мусобақа соврини ва эсдалик совғаларини Тошкент шаҳар ҳокими Рустам Шобдуррахмонов ва «Тошкент опен» турнири ижрочи директори Шун Ругам Утрапати топширишди.

Шундай қилиб, пойтахтимиз теннис марказида бир ҳафта давом этган «Тошкент опен» турнири поёнига етди. 1996 йилдан буён ўтказиб келинаётган турнир голибалари - П.Вартуш (Австрия), А.Гавальдон (Мексика), А.Смашнова (Исроил), И.Тўлаганова (Ўзбекистон), Б.Ламаде (Германия) ва М.Микаэлян (Швейцария) сафига испаниялик Виржиния Руано Паскуаль ҳам қўшилди.

Шу йил ноябрь ойида Ўзбекистон миллий терма жамоаси келаси йили Хитойда бўладиган футбол бўйича Осиё чемпионатида иштирок этиш учун саралаш беллашувларини бошлайди.

«А» гуруҳи - Ўзбекистон, Таиланд, Тожикистон ва Сянганнинг биринчи давра учрашувлари 6-10 ноябрь кунлари Тошкентда ўтказилади. Иккинчи даврага Таиланд пойтахти – Бангкок мезбонлик қилади.

Тўрт йил аввал ўтган китъа чемпионатида кўнгиладигдек натижага эришолмаган терма жамоамиз энди фақат юқори мақсадларни кўзлаб, саралаш босқичига тайёргарликни жиддий режа асосида олиб бораётгани қувонарли. Ўқув-машғулоти йиғинларига деярли барча легионерлар жалб қилинмоқда. Бу ўз навбатида терма жамоа аъзолари ўйин давомида бир-бирларини яхши тушунишларига замин бўлаётир.

Хусусан, бу мавсумда Равшан Ҳайдаров бошчилигидаги терма жамоа Европа вакиллари – Беларусь ҳамда Латвия билан учта ўртоқлик учрашуви ўтказди.

Гарчи Беларусь билан Минскда 2:2, Тошкентда 1:2 ҳисоби қайд этилган бўлса-да, футболчиларимизнинг Латвия терма жамоасига қарши ўтказган учрашувидаги ўйини мухлису мутахассисларда яхши таассурот қолдирди. Аниқ ва тезкор ўйин намойиш қилган вакилларимиз А.Акопянц, А.Солиев ва А.Гейнрихнинг голлари эвазига латишлар устидан 3:0 ҳисобда ғалаба қозонишганди.

САРАЛАШ БЕЛЛАШУВЛАРИ ОЛДИДАН

Бу гал футболчиларимиз Осиёнинг етакчи терма жамоаларидан бири – Бирлашган Араб Амирликларига қарши ўртоқлик учрашувида майдонга тушишди. Терма жамоа бош мураббийи Р.Ҳайдаров 11 октябрь куни Дубайдаги ўйинга миллий чемпионатда тўп сураётган футболчиларимиздан ташқари, Россия, Украина ва Молдова клублари шарафини ҳимоя қилаётган легионерларни ҳам жалб қилди.

Шуни алоҳида таъкидлаш лозимки, ҳар икки терма жамоа ҳам ўртоқлик учрашувига барча кучли футболчиларни тўплай олмади. БАА бош мураббийи англиялик Рой Ходжсон Осиё чемпионлар лигаси финалида иштирок этган «Ал-Айн» жамоаси футболчиларини таркибга жалб этмади. Ўзбекистон терма

жамоасида В.Маминов, О.Пашинин, М.Шацких, А.Фёдоров, А.Гейнрих каби Европа клубларида ўйнаётган футболчилар турли сабабларга кўра ўйинда иштирок этмади.

Статистик маълумотларга кўра, мазкур икки терма жамоа ўзаро етти марта куч синашган. БАА футболчилари беш марта ғалаба қозонган бўлса, ўзбекистонликлар бундай шарафга бир марта сазовор бўлишган, бир ўйинда кучлар тенг келган. Қизиги, футболчиларимиз бир ютуқ ва бир дурангга меҳмонда эришганлар.

Бевосита ўйинга тўхталадиган бўлса, бир-бирига муносиб бўлган терма жамоаларнинг учрашуви ҳар доимгидек кескин ва муросасиз кечди. Ҳисоб учрашувнинг 24-дақиқасида очилди. БААнинг етакчи футболчи-

ларидан Ф.Халил А.Поляков кўриқлаётган дарвозани аниқ нишонга олди. Вакилларимиз жавоб тўпини 12 дақиқадан сўнг киритишди. Икки йиллик танаффусдан сўнг яна терма жамоага қайтган М.Қосимов тўпни қулай вазиятда турган В.Карпенкога оширди. Ҳужумкор ярим ҳимоячимиз зарба беришда хатога йўл қўймади – 1:1. Биринчи бўлим якунлангунга қадар мезбонлар ҳисобда олдинга чиқиб олишлари мумкин эди, бироқ аксарият ҳолатларда омад меҳмонлар томонида бўлди.

Терма жамоа бош мураббийи Р.Ҳайдаров ўйиннинг иккинчи ярмини пахтакорчилигини ишониб топширди. Лекин иккинчи бўлимнинг дастлабки дақиқалари футболчиларимиз учун яна омадсиз келди. А.Поляков ўрнига тушган Е.Сафонов В.Муборакнинг жарима тўпини ўтказиб юборди – 2:1. Учрашувнинг қолган вақтида вакилларимиз ҳисобни тенглаштиришга ҳаракат қилишди. Ўйин якунланишига беш дақиқа қолганида С.Жепаров узоқ масофадан аниқ зарба берди. Мезбонлар посбони М.Одил бу тўпни қайтара олмади ва баҳс 2:2 ҳисобда якунланди.

Шу куни чиройли ўйин намойиш қилган В.Карпенко ҳам, С.Жепаров ҳам терма жамоадаги илк голларини киритишди. Бунга С.Жепаров бешта ўйинда эришган бўлса, В.Карпенкога уч учрашув кифоя қилди.



«Фарзандларимиз биздан кўра кучли, билимли, доно ва албатта бахтли бўлишлари шарт!»

Ислон КАРИМОВ.



Ҳиласол

Ёшлар саҳифаси

Янги дунёга келган гўдак оилага қанчалар қувонч бахш этишини сўз билан таърифлаш қийин. Айниқса, у ўғил бўлса ота севинчини асти қўяверинг. Энди менинг ҳам меросхўрим бор, дея ўзини қўярга жой тополмайди. Вояга етса халқи, Ватанига содиқ, фидойи инсон бўлсин, дея дуога қўл очади. Аммо улғайганида муштумзўр ёинки қотил бўлиб чиқса-чи?

УМР БАҲОРИ СЎНМАСИН!

Тошкент шаҳар Бектемир тумани "Бинокор" кўрғонидаги хонадонлардан бирида тутилган болага яхши ният билан Фуркат (исмлар ўзгартирилган) деб исм қўйишди. Бахтга қарши у 17 ёшидаёқ жиноят содир этди. Энди ҳаётининг энг сўлим, гуллаган фаслини совуқ панжара ортида ўтказишга мажбур.

Балки унинг ҳам тенгқурлари қатори олам-олам орзулари бўлгандир? Балки унинг ҳам кўз остига олган, ҳатто учрашишга ваъда берган суюклиси бордир. Балки... Афсуски, буларнинг бари энди саробга айланди.

Фуркат ўрта мактабнинг 6-синфини зўрға тугатиб, ўқимай қўйди. Унда бирор нарсага қизиқиш йўқлиги туфайли бекорчиликни касб қилиб олди. Ўзига ўхшаш уч-тўртта ўспиринлар билан чекишга, ичишга ўрганди. Кечалари кўча санкиб, кундузи гафлат уйкусида ётиш унинг турмуш тарзига айланди.

Бора-бора боши берк кўчага кириб қолди. Ундан чиқиш эса кишидан ақл, онгни ишга солишни талаб этади.

Ўша куни улар ароқ ичишмаганда эҳтимол бу воқеа рўй бермасмиди. Унинг олдига таниши Маҳмуд келиб, ўзи билан бирга олиб кетди. Ҳар куни йиғиладиган жойга боришганда у ерда Мадмурод ва бошқалар ўтиришарди. Улар танишлари Гули опанинг уйига бориб, хонадонини таъмирлаб бериш шарти билан қарз олишди. Шундан сўнг улфатчилик қилиб, маст ҳолда "ўтганнинг ўроғини, кетганнинг кетмонини" ола бошлашди. Кутилмаганда худди ўзларига ўхшаш бир гуруҳ кўча безориларга дуч келиб қолдилар. Ўзро гап талашш даҳанаки жангга айланди. Кейин эса ҳақоратлаш, туртиб-суртишлар авж олди. Рақиблардан бири Мадмуродга ташланганини кўрган Фуркат кўлига ош пичоқни олиб, қасддан ўлди-

риш мақсадида унинг кўкрак қорин қисми ва ўнг қўлига санчди. Оғир тан жароҳати олган Саттор шифохонага ётқизилди. Фуркат ва ҳамтовоқлари эса воқеа жойидан "кўён" бўлишди. Икки-уч кундан кейин улар туман ИИБга ўзлари келдилар.

Мана, ичкилик касофати. Бундан хабар топган ота-она не кўйга тушини бир тасаввур қилинг. Айниқса, онанинг зори, фарёдини кўз олдингизга келтириш мушкул. Тўғри, ёшликни бебошлик, гўрлик деб аташади. Лекин ножўя ишларга била туриб қўл уриш яхши оқибатларга олиб келмаслиги маълум-ку! Шу боис вояга етаётган навихол ўспиринлар ҳар бир қадамни ўйлаб босишлари муҳимдир. Зеро, халқимизда "яхши билан юрсанг – етарсан муродга, ёмон билан юрсанг – қоларсан уятга" деган пурҳикмат нақл бежиз айтилмаган.

А. ФАЙЗИЕВ,
амалиётчи.



Беғубор ёшлик

ЎСМИРЛАР ИЗЗА БЎЛИШДИ

Жиноятнинг катта-кичиги бўлмайди, дейдилар. Арзимасдек туюлган ҳуқуқбузарликнинг олди олингани қанча жиноятларнинг илдизи қирқилишига сабаб бўлиши ҳаётда исботланган...

Сурхондарё вилояти Қизирик туманида яшовчи К. Соња хонадонидagi телевизор ҳамда велосипед йўқолди. Уйдан кимдир олиб чиқиб кетибди. "Велосипедни ўғирлашди" деб милицияга арз қилиш ноқулай. Лекин эридан ёдгорлик бўлиб қолган "ДАЕВОО" телевизори-чи?

У ариза ёзиб, истиҳола билан туман ички ишлар бўлимига топширди. Илгарироқ Соњанинг маҳалладоши Д. Акбаржоннинг уйдан "Самсунг", "Наврўз" ситхатгоҳидан эса "Рубин" телевизорлари ҳам ўғирланган эди. Туман ИИБ ЖК ва УЖҚКБ ходимлари, милиция майори

Д. Пўлатов, милиция капитани Ф. Нурматов, милиция лейтенанти П. Бобомўминовлар аллақачон қидирув-суриштирув ишларини бошлаб юборишган экан.

Изқуварлар ниҳоят бир хонадон эгалари жуда арзон нарҳда телевизор сотиб олишганини аниқлашди. Телевизор жабрдийдаларнинг бирига тегишли бўлиб чиқди.

Ўғрилари кўриб, ҳамма ҳайратга тушди. Сабаби, улар ўзига тўқ оилаларнинг фарзандлари бўлган икки ўсмир эди. Буюмлар эгаларига қайтарилди, ўсмирлар эса кўпчилик олдида изза қилинди. Эндиликда уларнинг тарбияси билан нафақат ота-оналари, балки профилактика инспектори, педагог-тарбиячи ва маҳалла фаоллари ҳам шугулланадиган бўлишди.

С. ОМОНТУРДИЕВ.

БЕКОРЧИДАН ҲАММА БЕЗОР

Маҳалламизда Салим бобо деган кекса киши бўларди. У бекорчиларни ёқтирмасди. Айниқса, эсини таниб қолган бола кўча чангитиб юрса, ота-онасига учраб, насиҳат қиларди. Ҳамма бемазагарчиликлар бекорчиликдан чиқади, дейишдан чарчамасди.

Қорақўл шахрининг бир қисмида профилактика катта инспектори бўлиб хизмат қилаётганидан бери, ҳар бир маҳаллага Салим бобо сингари кексалар зарур эканлигини ҳис қилаяпман. Гарчи эриш туюлса-да, маҳалла болаларини назорат қилиш учун кўпчиликка сўзи ўтадиган обрўли қариялардан бирини бириктириб қўйиш муҳимдир.

Туманимизда йилнинг ўтган даври мобайнида ўсмирлар ва болалар иштирокида жиноят содир этилмади. Бу биринчи галда ота-оналар ва кексаларнинг ўз фарзандлари, маҳалла болаларига эътиборли бўлаётганлари натижасидир. Маҳаллага хизмат кўрсатаётган профилактика инспектори ва вояга етмаганлар ўртасида ҳуқуқбузарликларнинг олдини олиш инспектори болаларни назорат қилишда кенг жамоатчиликка суянади. Чунки бир маҳаллада ўрта ҳисобда 4-5 минг аҳоли яшаса, шундан 30 фоизи болалар ва ўсмирлардир. Икки-уч нафар милиция ходими уларга кўз-қулоқ бўлиши мушкул, албатта.

Худудимизда болалар ва ўсмирлар ўртасида ҳуқуқбузарликларнинг олдини олиш учун биринчи галда уларнинг бекор қолишига йўл қўймасликка ҳаракат қилаёпмиз. Мактаб ўқувчиларининг ёзги таътил кунларида маҳалла бола-

ларини спорт ўйинларига жалб этдик. Шаҳар ўйингоҳи, милиция таянч пунктлари қошидаги спорт майдонларида футбол, волейбол, теннис, кураш бўйича мусобақалар уюштирилди. "Иттифок" маҳалласида жойлашган милиция таянч пунктда спорт тўғраги мунтазам ишлаб турибди. Профилактика инспекторлари, милиция катта лейтенанти Т. Мўминов, милиция старшинаси Э. Йўлдошевлар машғулотларни ўзлари олиб боришяпти. Бу маҳаллада иккита мактаб бўлиб, футбол ва волейбол жамоалари тузилган. Моҳир ўйинчилардан иборат терма жамоа туман ва вилоят мусобақаларида иштирок эта-япти.

Маҳаллада 1,4 минг вояга етмаганлар истикомат қилади. Ёзги таътил кунларида шаҳардаги пахта тозалаш заводи раҳбарияти билан келишув бўйича ўттизга яқин бола вақтинча ишга жалб этилди. Ундан ташқари шаҳар атрофидаги хўжаликларнинг фермерлари ҳам ўсмирларга иш топиб беришди. Бу бир томондан болаларда меҳнатга кўникма ҳосил бўлса, бошқа томондан ишлаб топган пулларига ўқув куроллари сотиб олишди. Қизлар учун ташкил этилган тикув цехимизда ҳам йигирмадан ортиқ ўсмир қизлар тикувчилик сирларини ўрганишди.

Бекорчиликнинг охири безорилик эканлигини ота-оналар, муаллимлар ва маҳалла фаоллари чуқур англаб етсаларгина болалар ўртасида ҳуқуқбузарликларнинг олди олинад.

И. ТУРДИЕВ,

милиция катта лейтенанти.

ҲАҚҚОНИЙ ГАП

(Бошқотирма)

Расмдаги тўққизта доирача бир-бири билан тўғри чизиқлар ёрдамида туташтирилган. Агар икки марта уларнинг изидан борсангиз, доирачаларда ёш авлодни ёвуз иллатдан жиддий огоҳлантирувчи сўзлар аён бўлади.

Эслатма: энг аввало, қайси доирачадан бошлаш кераклигини аниқлаш, кейин ўрта чизикдан юқоридаги ҳарфларни, сўнгра пастдагиларини бирин-кетин қўшиб ўқиш керак.

Тузувчи Ҳ. АБДУЛЛАЕВ.



ЁШЛАР ОҒУ КОМИДА

Россия Ички ишлар вазирининг сўзларига қараганда, мамлакат аҳолисининг 3 миллионга яқини гиёҳвандлик воситалари истеъмол қилади. Расман эса ярим миллион нафар гиёҳванд рўйхатга олинган, холос. Ҳар бир гиёҳванднинг қариндошлари, яқинлари борлигини назарда тутсақ, бугунги кунда наркомания Россиядаги 15-20 миллион кишининг муаммосига айланган. Сўнгги ўн йил ичида мамлакатда катта ёшдаги гиёҳвандлар сони 8 баробар, вояга етмаган гиёҳвандлар 18 баробар, бу касалликка муб-


тало бўлган болалар эса 25 марта кўпайди! Ҳар йили 300 минг нафаргача гиёҳванд рўйхатга олинапти!

Статистика маълумотларига қараганда, ҳозир айрим 13 ёшли болалар, қизлар ҳам илк бор оғу истеъмол қилишяпти. Сўнгги ўн йил ичида гиёҳвандлик оқибатида ўлаётган ўсмирлар сони анча кўпайди! Болаликдан бунга ружу қўйганларнинг камдан-камигина 35 ёшгача яшайди.

Айниқса, Тюмень вилоятида аҳвол оғир. Бу ерда 8 яшар гиёҳвандлар ҳам учраяпти. Сосновий Бор шаҳрида яшов-

чи 16-29 ёшли кишиларнинг ҳар иккитадан биттаси гиёҳванд. Бу муаммо ҳатто ёпиқ шаҳарларни ҳам қамраб олган. Биргина Москва вилоятида ҳар йили 500 киши меъёрдан ортиқ оғу қабул қилиши натижасида нобуд бўляпти. Вилоят аҳолисининг 35-40 минг нафари гиёҳвандлик моддалари истеъмол қилишади. Мутахассисларнинг фикрича, жиддий чоралар кўрилмаса икки, уч йил ичида аҳвол ўта жиддийлашади.

Хориж матбуоти материаллари ососида тайёрланди.



ЎЛКАМИЗДА КУЗ

А. ТҮРАЕВ фотозъюди.

Сўраган эдингиз...

ДАРОМАД СОЛИФИ
ТЎЛАНДИМИ?

Хонадонимизда товук боқайтган эдик. Тушган даромадга солиқ тўлаймизми? Умуман, қандай даромадларга солиқ солинмаслиги ҳақида маълумот берсангизлар.

У. ДАВЛАТОВ,
Асака шахри.

Ўзбекистон Республикаси Солиқ кодексининг тегишли моддасига асосан жисмоний шахсларнинг қуйидаги даромадларига солиқ солинмайди:

- давлат ижтимоий сугуртаси ва давлат ижтимоий таъминоти бўйича нафақалар;
- ишсизлик бўйича нафақалар;
- ҳомиладорлик ва туғиш нафақалари;
- алиментлар;
- стипендиялар;
- давлат пенсиялари, шунингдек, уларга устамалар;
- майиб бўлиш ёки соғлиғининг бошқа тарзда шикастланиши билан боғлиқ ҳолда, шунингдек, боқувчисининг вафот этганлиги муносабати билан кўрилган зарарни қоплаш юзасидан олинган суммалар;
- шахсларнинг шахсий ёрдамчи хўжаликда етиштирилган қорамол, қуён, нутрия, балиқ, паррандаларни ҳам тирик ҳолатда, ҳам уларни сўйиб маҳсулотларини ҳам ва қайта ишланган ҳолда, шунингдек, асаларичилик маҳсулотларини ва бундай хўжаликда етиштирилган тиббий ёки қайта ишланган дехқончилик маҳсулотларини сотишдан олган даромадлари суммаси.

Бу турфа олам

КАСАЛХОНА ЎРНИГА
ҚАМОҚХОНАГА

Кунлардан бир кун Франциядаги муассасалардан бирига ўғри тушди. У совитгичдаги қовурилган товук гўшти, балиқ, сариёғни ўғирлабди. Шунингдек, бир шиша винони ҳам ичиб кетибди. Кишилар бунини шу ерда саёқлик билан кун кўрувчи 35 ёшли Лебедо деган шахсдан кўрдилар. Лекин уни айблаш учун далил йўқ эди.

Шундай бўлса-да, Лебедони полиция участкасига олиб келдилар. Сўроқ вақтида у ўзига қўйилган айбга сира икром бўлмади. Ниҳоят, полиция инспектори ўғрининг олдида ўз ҳамкасбларига шундай деди:

– Аттанг, менга билдиришларича, бу жўжага турли радиоактив нурлар таъсир эттирилган экан.

Бунини эшитиб турган Лебедонинг ранги қув ўчиб кетди. “Мени тезроқ касалхонага олиб боринглар!” – деди у бўғиқ овоз билан.

Шундай қилиб, ўғри касалхонага эмас, қамоққа жўнатилди.

СЎЗ ТАГИДА
СЎЗ БОР

“Бензин” арабча “Лубан жавий” деган сўздан келиб чиққан. Унинг маъноси “Ява бухўри” (Арабистондаги жой номи) демакдир. Бу ибора “бензой” шаклида латин тилига ўтган, ундан итальян, кейин рус, ниҳоят, ўзбек тилига кириб келган.

“Магазин” сўзи омбор маъносини билдирувчи арабча “махзан” иборасидан олинган. Италиялар уни “магазин” деб қабул қилганлар. Бу сўзлар шакл жиҳатдан бир-бирига ўхшамайди. Лекин, гап шундаки, итальянлар талаффузга қулай бўлиши учун “махзан” сўзининг кўплик (махазин) шаклини қабул қилишган. Французлар эса уни “магазин”га айлантириб олганлар.

“Сироп” сўзи арабча “Шароб”дан олинган бўлиб, французлар уни “сироп” тарзида талаффуз этишни бошлаб беришган.

А. АЛИЕВ тайёрлади.

Найранг

ПЕНСИОНЕР ҲАМ ЖАБРАНДИ

Аглая Петровна эрталаб нафақа пулини олиш учун омонат кассасига борди. Иши битгач, кассадан юз метрлар чамаси узоклашганда эгнига қора костюм кийган, кўзойнакли киши уни тўхтатиб, ўзини таништирди. Кўкрагида “Хавфсизлик хизмати” деб ёзилган нишон яққол кўзга ташланиб турарди.

У кечирим сўраб, кассир аёл кам пул берган бўлиши мумкинлигини

айтди. Қўлида иккиюзталиқ купюрани ушлаб турарди (пенсионер учун яхшигина маблағ). Аглая Петровна дарҳол сумкасидан нафақа пули ва омонат дафтрасини чиқариб, пулни санади, кейин дафтрасидаги ёзувни кўздан кечириб энгил нафас олди.

– Кассир янглишмабди, болам, – деди у. – Ҳаммаси жойида.


Хавфсизлик хизмати ходими ҳайратга тушиб, пулни ўзи санаб

кўрмоқчи эканлигини маълум қилди. У омонат дафтраси ва янги купюраларни қўлига олди. Икки сониядан сўнг эса кечирим сўраб шошиб турган аёлга ичига нафақа пули солинган омонат дафтрасини қайтарди.

Аглая Петровна ойлик даромадининг нақ ярми – 700 рубль ўмарилганини дўконга кирганида билиб қолди. Табиийки, онахон омонат кассага келиб ҳеч қандай хавфсизлик хизмати ходимини топа олмади.

“АиФ”дан олинди.

КРОССВОРД



ЎТГАН СОНДА БЕРИЛГАН КРОССВОРДНИНГ ЖАВОБЛАРИ:

Энига: 3. Ҳукумат. 9. Бедана. 10. Есенин. 11. Кабриолет. 14. Крона. 15. Обкаш. 16. “Сегох”. 20. Тасқара. 21. Таксометр. 23. Локомотив. 24. Галстук. 26. Гулчи. 28. “Ароба”. 29. Намат. 34. Абдуллаев. 36. Поғона. 37. Доллар. 38. Зилзила. Бўйига: 1. Шердор. 3. Ҳамал. 4. Кахрабо. 5. Мувозанат. 6. Телец. 8. “Динамо”. 12. Аниқловчи. 13. Термостат. 14. Каталог. 17. Ҳаракат. 18. Ирмоқ. 19. Истак. 22. Гидроузел. 25. Тбилиси. 27. Узоқов. 30. Аломат. 31. Образ. 32. Меъда. Ёйлар бўйича: 2. Шабада. 7. Гектар. 33. Номзод. 35. Комила.

Энига: 5. Спорт ўйини. 8. Ҳафта кун. 9. Гўзаллик, нозиклик. 10. Қуёш ботган пайт. 12. Портловчи қурол. 15. Покистондаги Ҳинд вилоятининг асосий аҳолиси. 19. Ўзбек халқ мақоми. 20. Уй жиҳози. 21. Техника экини. 22. Билим олувчи. 23. Чорва моллари тўдаси. 24. Ит зоти. 25. Қорақалпоғистондаги шаҳар. 27. Вилот. 29. Газ модда. 30. Транспорт корхонаси. 31. Ўзбекистон халқ шоири, драматург. 32. Жундан ёки ипак аралаштириб тўқилган газлама. 35. Ақлий спорт ўйини. 38. Иш кийими. 39. Тожикистон халқ ёзувчиси. 40. Ўзбекистон халқ ҳофиз.

Бўйига: 1. Сув ташишда ишлатилган анжом. 2. Жуда паст, йўғон овоз. 3. Механизмнинг конус шаклидаги қисми. 4. Сўз туркуми. 6. Шеърят анжумани. 7. Ҳисоб илмининг илдиз чиқариш амалида қўлланиладиган белги. 11. Пойтахтимизнинг қадимий дарвозаси. 13. Мирзо Улуғбек бунёд эттирган иншоот. 14. Транспорт воситасининг масофа ва хизмат ҳақи кўрсаткичи қурилмаси. 16. Арқонда юриб томоша кўрсатиш санъати. 17. Инерт газ. 18. Шон-шараф ҳисси. 26. Алпомиш сиймосини саҳнада гавдалантирган устоз санъаткор. 28. Форс-тожик мумтоз мутафаккир шоири. 33. Ҳўл мевадан тайёрланадиган ичимлик. 34. Шифобахш чўл гиёҳи. 36. Ижодкор, халқ дostonларининг ижрочиси. 37. Ширинлик.

Ф. ОРИПОВ тузди.

**ЎЗБЕКИСТОН
РЕСПУБЛИКАСИ ИВ
БИРЛАШГАН
ТАҲРИРИЯТИ**

MANZILIMIZ:
700029,
Toshkent,
Yunus Rajabiy ko'chasi, 1

Bosh muharrir
Shuhrat MURODOV

Bosh muharrir
o'rinbosari v.b.
Murod
TILLAYEV
Mas'ul kotib
Rahmatilla
BERDIYEV

Navbatchi
Sadriiddin
SHAMSIDDINOV
Sahifalovchi
Zokir BOLTAYEV
Musahhih
Gavhar XOLIQOVA

TELEFONLAR:
Bosh muharrir
o'rinbosari 139-75-69.
Kotibiyat 139-73-88.
muxbirlar bo'limi
139-77-23, 59-27-15.
Buxgalter 139-75-37.
Faks 132-05-51.

E-mail:
urmvd@globalnet.uz

Tahririyat hisob raqami
20210000700447980001,
MFO 00421.
«Ipak yo'li» aksiyadorlik
investitsiyaviy tijorat
bankining Mirzo
Ulug'bek bo'limi.

Gazeta O'zbekiston Respublikasi Davlat matbuot
qo'mitasida 00007 raqam bilan ro'yxatga olingan

Buyurtma Г — 938. Hajmi — 4 bosma taboq.
Bosilish — ofset usulida. 45076 nusxada chop etildi.

● Ko'chirib bosishda
«Postda»dan olinganligini
ko'rsatish shart
● Muallifning mulohazasi
tahririyat fikriga mos
tushmasligi mumkin.
● Qo'lyozmalar tahlil
qilinmaydi va
qaytarilmaydi.

Obuna raqamlari:
Yakka tartibda — 180
Tashkilotlar uchun — 366
Gazeta haftaning payshanba
kunlari chiqadi.
Bosishga topshirish vaqti — 20.00.
Bosishga topshirildi — 20.00.
«SHARQ»
nashriyot-matbaa aksiyadorlik
kompaniyasi bosmaxonasida
chop etildi.
Korxonaning manzili:
Buyuk Turon ko'chasi
41-uy.
2, 3, 4, 5, 6.